

INUIT ATAQATIGIIT

INATSISARTUNI



UPA2024/99

2.maj 2024

Edvard Nielsen Aronson

Inatsisartunut aalajangigassatut siunnersuut Naalakkersuisut peqquneqassasut inatsimmik pilersitseqquullugit, angajoqqaq/oqartussaassusermik tigummiartoq meeqqamut ataatsimik arlalinnilluunniit innarluuteqartumut imaluunniit arlalinnik innarluuteqartumut akissarsiatigut taarsiivigineqarnissamik, pineqartoq meeqqap innarluuteqarnerata malitsigisaanik sivikinnerusumik suliguni. Tamanna pissaaq meerarisaq angerlarsimaffimi najugaqartoq qassinilluunniit ukioqaraluarpas.

(Inatsisartunut ilaasortaq Anna Wangenheim, Demokraatit)

Oqaaseqaat:

Inuit Ataqatigiit nunatsinni innarluutillit illersorneqarnissaat, inuaqatigiit ingerlanneqarneranni ersaarissumik pingaartuutinnejartuarnissaat atugassarititaasullu siuarsaavigineqartuarnissaat sulissutigiuarumavaa. Innuttaaqatitta innarluutillit atugaat annertuutigut pitsanngoriaarteqarsimapput, kisiannili suli unammilligassaqaqaagut. Innarluutillit pisinnaatitaaffii pillugit Naalagaaffiit Peqatigiit isumaqatigiissutaata Nunatsinnut atortuulersinneqareersimanera ataavartumik tigussaasunillu iliuuseqartuarnissatsinnik pisussaaffilerpaatigut. Taamaattumik tamanna nalinginnarmik pisussaaffitsitut isigalugu piviusunngortiteriffiussasoq suleqataaffiguassavarput.

Taamaattumik Inuit Ataqatigiiniit Nalakkersuisut suliamik siunnersuummut attuumalluinnartumik aallartitaqarsimanerat qujarullugu tiguarput, ukiamullu

INUIT ATAQATIGIIT

INATSISARTUNI



inatsisisamik nunatsinni innarluutillit taakkualu ilaquaannut
pitsangorsaataasussanik saqqummiussaqarnissaat qilanaarivarput.

Ilanngullugu Inuit Ataqatigiinniit qujarupparput qanigisaasoq suliffeqarfimmut attuumassutilik, qanigisaasup innarluutillip angerlarsimaffimmi paarinissaanut kommunimit atorfinitssinnejqarsinnaaneranut inatsisisamik Naalakkersuisut suliaqalersaernerat. Taassumami inatsisisap periarfississuai ilaqtariit innarluutilittallit ikorfartoqatigiillutik aningaasatigullu annaasaqaratik aammalu innarluutilik qimallugu suliffiusumik aporfilersorneqaratik tamanut toqqisisimanarerusumik inuulersinnaanerat.

Taamaattumik inatsisisamik tamakkiinerusumik tassa innarluutilittallit atugarisaat tamaasa eqqarsaatigalugit ilaqtariinnut innarluutilittalinnut pitsangorsaataasussamik Naalakkersuisut suliamik piareersaateqareernerat aallaavigalugu Inuit Ataqatigiinniit Anna Wangenheimip aaliangiiffigisassatut siunnertaa itigartinneqassasoq innersuupparput. Taamaattoq siunnersuut ataatsimiitaliamut ingerlateqqipparput; siunnersuuteqartup anguniagaa qanoq suliamut ingerlareersumut pulatinneqjarsinnaanersoq misissorumagatsigu.